

जुकजुकधोनाला जुनी याड्बाला लागिरी

हाडसेव लतोःबा निर्णय

पूर्वी तामाड

तिग परमेश्वरसे ताम पाइबा थे:मा हाड उदेक तबा मुला ?
परमेश्वरसे तिग सुइला तला भिसी खाइमै खेन्बा मुला ?
पाइनोन तो:मा किताब गिकरी परमेश्वरसे ताम पाइबा मुला ।
थे किताबला मिन चा बाइबल हिन्ना । म्हिगदेला लागिरी
बाइबल चा परमेश्वरला समाचार हिन्ना । चु किताब न्हइरी
हाडनीसे गोतो:बा ताम ल्हानान मुला ।

परमेश्वर चा गिक जे मुला । मूल चेलागदे १७:२४-२५ री
चुइइ भिसी पाइबा मुला, “चु जम्बुलिडदेन जम्बुलिडरी मुबा
जम्मान रहे स्होबा परमेश्वर स्वर्गदेन जम्बुलिडला प्रभु हिन्ना ।
थेतबासेलमा यासे स्होबा मन्दिररी परमेश्वर धनआछ्या,
ओच्छे म्हिला याग्याम फुल्बा रहेगदे परमेश्वरदा तो:ला भिसी
आम्हनो । तिगदा भिसम परमेश्वर हाडसेन जम्मान म्हिगदेदा
जुनी, सादेन तो:बा जम्मान रहेगदे पिन्बा मुला ।” परमेश्वरला
बानीबेहोर चा चुइइबा मुला, थे जम्मान भन्दा शक्तिशाली
परमेश्वर हिन्ना । जम्मान रहे परमेश्वरसे हाडलान बचनग्याम
स्होजी । (तुइबा १ अध्याय) । हाडदेन अर्गु जम्पादान
परमेश्वरसे जुनी पिन्बा मुला । हाडदा परमेश्वरसेन स्होबा
हिन्ना, ओच्छे हाडला बारेरी परमेश्वरदा जम्मान ताम था
मुला । थेसेन स्होबा म्हिगदेसे स्होबा मन्दिररी परमेश्वर
धनआछ्यामुला । स्वर्गदेन जम्बुलिडथोरी शासन लबा

परमेश्वरनोन हिन्ना । परमेश्वरला लागिरी य्हाडसे तिगै लसी
पिन्तोःबा आरे । जम्मान स्हे परमेश्वरदेन छ्यामनोन मुला ।
परमेश्वरदा तिगै स्हेला खौंचो आतमुला ।

य्हाड खाला हिन्ना भिबा ताम बाइबलसेनोन पाइबा मुला ।
तुइबा १:२७ पदरी परमेश्वरसे म्हिदा ह्हाड्लान रुपरी
हेम्बोकोला मिडकोला न्हीदान स्होजी भिसी पाइबा मुला । चु
भिबा चा परमेश्वरसे य्हाडला बानीबहोर थेला ह्हाड्लान
बानीबेहोर ह्हाड्लान स्होजी भिबा हिन्ना । य्हाडसे गिकसेम
गिकदा माया लमुला । ओच्छे तिग ताम ठीक हिन्ना तिग ताम
ठीक आहिन भिबा ताम य्हाडदा था मुला । तिग्दा भिसम
परमेश्वरसे य्हाडदा ज्ञान बुद्धिसे प्लिइना लसी स्होबा मुला ।
परमेश्वरसे य्हाडदा थेदेन छ्यामनोन सद्गति लबाला लागिरी
स्होबा मुबा । तर तुइबा ३ अध्याय अन्छार परमेश्वरसे जम्मान
भन्दा शुररी स्होबा म्हि आदाम परमेश्वरसे कुल्बा अन्छार
आभ्रनी । थेतबासेलमा परमेश्वरदेन छ्याम सद्गति
लआम्याइनी । थे धुइहेन्सेन परमेश्वरसे कुल्बा अन्छार म्हि
य्हुल भ्रबा आरे । परमेश्वरसे कुल्बा अन्छार आभ्रबान पाप
हिन्ना । रोमी ३:२३ पदरी चुह्हाड् भिसी पाइबा मुला, *“तिग्दा
भिसम जम्मान म्हिगदेसे पाप लबा मुला, ओच्छे परमेश्वरला
घेन य्हालग्याम थारेइ तबा मुला ।”* परमेश्वरसे कुल्बा अन्छार

खजिबै म्हि यहुल भ्रबा आरे । परमेश्वर निसाफ लबा परमेश्वर हिन्ना । थेतबासेलमा परमेश्वरसे पापदा सजाय पिन्नोन तोःला । हाडसे डाइ ज्यबा गे लबा मुला भिसी म्हान्सैनोन थे तामसे तिगै आल । तिग्दा भिसम हाडसे लबा नइबा तामगदेला लागिरीनोन परमेश्वरसे हाडदा सजाय पिन्नोन तोःला । हिब्रु ९:२७ री चुह्रइ भिसी पाइबा मुला, “म्हि तिरेम सिनीन तोःला, ओच्छे सिमाहेन्से परमेश्वरसे थेला निसाफ लला ।” जम्मान म्हि तीरेकुनु सिला भिबा ताम यहाड जम्मादान था मुला । ओच्छे यहाड सिमाहेन्से छोन्बो मुबा धुइरी यहाडसे लबा जम्मान तामगदेला निसाफ लला भिसी बाइबलरी पाइबा मुला । बाइबलसे नर्ग भिबा ग्ला गिकला बारेरीनोन पाइबा मुला । परमेश्वरला बिरोध लसी पाप लबा म्हिगदेदा थे ग्लारी सजाय पिन्ना । यहाड जम्मासेन पाप लबा मुला भिबा ताम यहाडदा डाच्छाहेन्सेन था मुला । चु तामग्यामसेन जम्मान म्हिगदे नर्गरी नितोःला भिबा ताम था तमुला ।

म्हि तसैनोन यहाडला सेम सिबा मुला, तिग्दा भिसम परमेश्वरसे कुल्बा ताम आइयान्बासेलमा यहाड नर्गरी नितोःबाधोनाला तबा मुला । नर्ग्याम थोन्बाला लागिरी यहाडसे लखम्बा तिगैनोन आरे । तर परमेश्वर म्हिदा ल्हानान माया लबा परमेश्वर तबासेलमा हाडदेन डा इइबा पाप लबा म्हिगदेदा

थार्ना लबाला लागिरी परमेश्वरसे ग्याम गिक स्होबा मुला । ओस्पन २००० दिड डाच्छा परमेश्वर हाडनोन म्हि दोसी चु जम्बुलिङ्गरी फेप्वजी । ओच्छे पाप गिकनोन आलना म्हिगदेदेन छ्यामनोन धनछ्याजी । थेला मिन येशू मुबा । परमेश्वरसे कुल्बा ताम आड्यान्बा म्हिगदेला लागिरी कुसरी सिसी थे हाडनोन बलि तबा मुबा । तिग्दा भिसम हाड हाडला पाप ख्लासी परमेश्वरपट्टि दोःसी येशू खीष्टथोरी विश्वास लबा म्हिगदेसे माफ याड्गै, ओच्छे परमेश्वरदेन म्हिला गुड्डी शुरुला हड्बान सड्गति तगै भिसी पापी म्हिगदेसे याड्तोःबा सजाय थेसेन नाजी । तिग हाडसे लबा पापगदेला माफ हाडसे याड्बा मुला ? तिग हाडला पाप ख्लासी हाड परमेश्वरपट्टि दोःबा मुला ? ओच्छे येशूदा विश्वास लबा मुला ? हाडसे लबा ज्यबा ज्यबा गेथोरी हाडसे भर लमुला तला, अथवा परमेश्वर मुबा ग्लारी निबा ग्याम ल्हानान मुला भिसी हाडसे म्हन्मुला तला । तर परमेश्वर मुबा ग्लारी निबा ग्याम चा गिक जे मुला भिसी बाइबलसे लोप्मुला । थे भिबा चा हाडला पापगदे माफ तसी हिन्ना । चु भिबा चा पाप ख्लासी परमेश्वरपट्टि दोःबादेन थार्ना याड्बाला लागिरी येशूदा विश्वास लबा हिन्ना (यूहन्ना १४:६) । हाडसे लतोःबा ताम तिगैनोन आरे । येशूथोरी विश्वास लबा जम्मादान थार्ना लबाला लागिरी येशूला बलिदानरी ल्हानन शक्ति मुला । चुदे हाड जम्मान स्हे स्होबा

परमेश्वरदेन छ्याम छ्याम भ्रबा सेम मुसम ओच्छे हाडसे लबा पाप माफ तगै भिसी म्हन्बा मुसम हाडला पाप ख्लासी परमेश्वरपट्टि दोःगो । ओच्छे येशूदा विश्वास लउ ।

हाडसे चुहड् लमाहेन्से परमेश्वरसे हाडदा छार म्हि स्होला भिसी बाइबलसे पाड्बा मुला । २ कोरन्थी ५:१७ री चुहड् भिसी पाड्बा मुला, “थेतबासेलमा चुदे खालै म्हि खीष्टदेन छ्याम गिक तसी जिन्बा मुला भिसम थे छार दोःसी जिन्बा मुला, पुरानो तामगदे जम्मान म्हसी जिन्बा मुला । च्यागो, थे जम्मान ताम छार दोःसी जिन्बा मुला ।”

तिग हाडसे येशूदा विश्वास लबा मुला ? चुदे विश्वास लबा आरेसम हाडला पापगदे ख्लासी परमेश्वरपट्टि दोःगो, ओच्छे येशूदा विश्वास लउ । यूहन्ना ३:१६ री चुहड् भिसी पाड्बा मुला, “तिग्दा भिसम परमेश्वरसे जम्बुलिडदा ल्हानान माया लसी हाडला गिक जेन भा पुइखजी । थेदा विश्वास लबागदे खालै नाश आतगै, तर जुकजुकधोनाला जुनी याड्गै भिसीन चुहड् लबा हिन्ना ।”

येशूदा विश्वास लमाहेन्से परमेश्वरसे हाडला पाप जे माफ लबा आहिन, परमेश्वरसे पाप माफ लसी जुकजुकधोनाला जुनीएनोन पिन्ना भिसी कबुल लबा मुला । आदामसे पाप

लबासेलमा परमेश्वरदेन छ्याम सद्गति लम्याइबा आरेमुबा ।
येशू हाडनोन बलि तबासेलमा थेनोन बलिग्याम परमेश्वरसे
दोःसी म्हिगदेदेन छ्याम सद्गति लखम्बा तना लबा मुला ।

गलाती २:२० री चुह्इ भिसी पाइबा मुला, “डादा खीष्टदेन
छ्यामनोन कूसरी साइबा मुला । थेतबासेलमा दाहेन्से सोबा डा
आहिन, खीष्ट डादेन छ्याम तसी सोबा मुला । दान्दे सोबा चु
लहुइ चा परमेश्वरला भादा विश्वास लसी सोबा हिन्ना । थेसे
डादा माया लसी हाडला ज्याननोन डाला लागिरी पिन्जी ।”
हाडसे हाडला पापगदे खलासी परमेश्वरपट्टि दोःसी येशूदा
विश्वास लबा चा दाहेन्से डाइ म्हन्बा अन्छार आभ्र । तर
दाहेन्से येशूसे म्हन्बा अन्छार भला भिसी पाइबा हिन्ना । हाडसे
परमेश्वरदेन छ्याम प्रार्थनाग्याम ताम लबारी खम्ला । ओच्छे
बाइबल पढब लबा तामग्याम परमेश्वरसे हाडला ताम
सान्खम्ला । ओच्छे हाडदेन छ्याम ताम लबारी खम्ला । चुदे
हाडसे हाडला लहुइ परमेश्वरला छ्यारी अर्पण लसी जिन्बा
मुसम सदन चुह्इ लसी प्रार्थना लबान बाइबल पढब लउ ।
ओच्छे परमेश्वरदेन छ्याम भन भन डामरी तबान फेणो ।

हाड जम्मान स्हे स्होबा हाडला परमेश्वरला डामरी
धनछ्याखम्ला । हाड तिनीन हाडला पाप खलासी परमेश्वरपट्टि
दोःगो, ओच्छे परमेश्वरदा विश्वास लउ ।

तिगै ताम ड्योइबा छार्बा लतोःबा मुसमः



छापब लबा

पूर्वी तामाङ भाषा समूह

धोवीघाट-३, ललितपुर

जि.पि.ओ.: ८९७५, ई.पि.सि.: २६२१, याम्बु, नेपाल

फोन नं.: ५५४३६०२, मोबाइल नं.: ९७५१०११४५१